

Morning Regional Dogri News Bulletin,

30th August, 2026

समै. 09.20 Hrs

<><><><><><>

एह आकाशवाणी जम्मू ऐ, बडलै खबरें च तुंदा सुआगत, पैहले खास-खास खबरें कन्नै जगमोहन शर्मा।

Headlines

1. प्रधानमंत्री नरेंद्र मोदी होर अज्ज बडलै 11 बजे मन की बात कार्यक्रम राहें अपने बचार सांझे करडन।
 2. उपराज्यपाल मनोज सिन्हा होरें त्रीए सी-आई.आई जम्मू-कश्मीर सेहत सम्मेलन दा श्रीनगर च उद्घाटन कीता।
 3. केंद्री मंत्री डा. जितेंद्र सिंह होरें जम्मू च प्रधानमंत्री ग्राम शिड़क योजना दे चौथे गेड़ तैहत 110 शिड़क परियोजनाएं दी शुरूआत कीती।
 4. विशेष जांच लेई छात्रु दुष्कर्म ते मौत आहला मामला क्राइम ब्रांच गी सोंपेआ गेआ।
 5. मौसम विभाग नै अगले 9 दिनें दरान जम्मू-कश्मीर च मौसम आम तौरा पर गुम्मे आहला बने रौहने दी पेशनगोई कीती ऐ।
- हून खबरें दी तफसील कन्नै कुणाल श्रीवत्स।

<><><><><><>

PM-Mann ki Baat

प्रधानमंत्री नरेन्द्र मोदी होर अज्ज दिने 11 बजे आकाशवाणी पर अपने “मन की बात” कार्यक्रम राए देश-विदेश दे लोकें कन्नै विचार सांझे करगंन। हर महीने दे खीरले ऐतवारें प्रसारत होने आहले इस कार्यक्रम दी एह 137मीं किशत होग। कार्यक्रम दा प्रसारण आकाशवाणी ते दूरदर्शन दे समूलचे नैटवर्क ए.आई.आर. न्यूज वेबसाईट ते न्यूज ऑन ए.आई.आर mobile app- सनें डी.डी न्यूज- प्रधानमंत्री हुंदे दफ्तर ते सूचना ते प्रसारण मंत्रालय दे यू-ट्यूब चैनलें पर बी होग। आकाशवाणी जम्मू आसेया हिंदी प्रसारण दे बाद एहदा डोगरी भाशा च अनुवाद प्रसारित कीता जाहग।

<><><><><><>

LG-Health Services

उपराज्यपाल मनोज सिन्हा होरें श्रीनगर च सी.आई.आई जम्मू-कश्मीर दे त्रीये सेहत सम्मेलन दा उद्घाटन कीता ते सेहत सेवाएं गी कदें बी, कुतै बी उपलब्ध करोआने दे नजरिये पर जोर दिता। इस मौके पर बोलदे होई उपराज्यपाल होरें सेहत सेवा गी सुलभ, किफायती ते निरपक्ख बनाने लेई टेलीमेडिसिन, आर्टिफिशल इंटेलीजेंस, ड्रोन राएं मेडिकल सप्लाई ते सौरउर्जा कन्नै चलने आहली कोल्ड चेन दे मते शा मते इस्तेमाल दी जरूरतें पर जोर पाया। उनें नियमित जांच ते तौले दखल दे राएं इलाज दे बजाय रोकथाम दी बक्खी ध्यान देने दा आह्वान कीता। उनें मेडिकल ते नर्सिंग शिक्षा दे विस्तार ते सेहत कर्मियें दी मदद करने दे महत्व पर बी जोर पाया। उनें दस्सेआ जे जम्मू-कश्मीर सेहत सरबन्धी नमियें काहडें ते लचीलेपन दा केंद्र बनदा जा’रदा ऐ। उनें आखेआ .

<><><><><><>

Jitendra-PMGSY

पिछले 12एं बरें दरान उधमपुर-कठुआ-डोडा संसदीय हल्के गी सर्वोच्च प्राथमिकता देने लेई प्रधानमंत्री नरेंद्र मोदी हुंदा धन्नवाद करदे होई केंद्री मंत्री डा. जितेंद्र सिंह होरें आखेआ जे पी.एम.जी.एस.वाई दिएं ताजा परियोजनाएं दा पैमाना मुश्कल प्हाड़ी इलाकें च हर इक कोने च, हर मौसम च शिड़कें गी पजाने दी सरकार दी बचनबद्धता गी दर्शादा ऐ। डा. सिंह होर 2026-27 बरें दे पी.एम.जी.एस.वाई-4 बैच-1 दे तैहत उधमपुर-कठुआ-डोडा-किश्तवाड़ खिते दे बक्ख-बक्ख हिस्सें गी कवर करने आहली 110 शिड़क परियोजनाएं दा नीह पत्थर रखने मगरा बोला'रदे हे। तकरीबन 1 जहार 503 करोड़ 53 लक्ख रपे दी लागत कन्नै मंजूर कीती गेदी इनें परियोजनाएं दी कुल लम्बाई 598 अशारिया 45 किलोमीटर ऐ। .

<><><><><><>

Jitender-Hiranagar

केंद्री मंत्री डा. जितेंद्र सिंह होरें आखेआ ऐ कि मां दे सशक्तिकरण कन्नै इक बच्ची च अछमता बारें तौले पता लाया जाई सकदा ऐ। कठुआ जिले दी हीरानगर तहसील च “प्रबुद्ध-मातृशक्ति सम्मेलन” आयोजित करने दे सक्षम दी पैहल दी सराहना करदे होई मंत्री होरें आखेआ कि अपने बच्चें दे शारीरिक मानसिक विका, बरोस, विशेषताएं छमताएं ते अछमताएं बारें पता सबनें शा पैहले मौरीं गी गै लगदा ऐ। सक्षम दी इस पहल दा मकसद महिलाएं गी शिक्षित ते जागरूक

करना ऐ किस चाल्ली ओह् अपने बच्चें च कुसै बी चाल्ली दी शारीरिक ते मानसिक कमी खामी
बारै तौले पता लाई सकदियां न। इस मौके बोलदे होई जितेंद्र सिंह होरें आखेआ .

<><><><><><>

Ghulam Hassan Dies

जम्मू-कश्मीर दे साबका मंत्री ते पीपल्स डेमोक्रेटिक पार्टी दे नेता गुलाम हसन खान हुंदा जंदे
रोज शोपियां च लम्मी बमारी मगरा काल होई गेआ। खान होर 2002 च जम्मू-कश्मीर
विधानसभा दे सदस्य चुने गे ते मगरा समाज कल्याण राज्यमंत्री दे तौरा पर कम्म कीता।

<><><><><><>

ते हुन बाकि दिएं खबरें कन्नै जगमोहन शर्मा।

Chhatroo-Case

कांग्रेस दे सीनियर लीडर ते साबका मंत्री गुलाम मोहम्मद सरूरी होरें उपराज्यपाल मनोज सिन्हा
हुंदा धन्नवाद कीता ऐ ते उनें छातरू मामले गी विशेष जांच लेई क्राइम ब्रांच गी सौंपने दा
बंदोबस्त कीता ऐ। सरूरी होरें आखेआ जे उपराज्यपाल होरें एहदे शा पैहले निजी तौर पर उनेंगी
फोन कीता हा ते भरोसा दोआया हा जे पीड़ित दे परोआर ते मुकामी बसनीकें दिएं चिंताएं गी
दिक्खदे होई इस मामले गी क्राइम ब्रांच गी सौंपी दिता जाहग। जरूरी होरें मेद प्रगट कीती जे
एह जांच पारदर्शी, पेशेवर ते समेंबद्द तरीके कन्नै कीती जाहग ते एहदे लेई कसूरवार लोकें गी
कन्नून मताबक सजा दिती जाहग। मीडिया कन्नै गल्ल करदे होई साबका मंत्री सरूरी होरें
आखेआ .

<><><><><><>

IFFJK-Prep.

श्रीनगर, जम्मू ते गुलमर्ग च 7 सितंबर कोला लेइयै 10 सितंबर धोड़ी आयोजित कीते जा'रदे जम्मू-कश्मीर दे पैहले-पैहले अंतरराष्ट्री फिल्म उत्सव-2026 लेई लोइचदी सब्बै तैयारियां करी लैतियां गेदियां न तां जे इस आयोजन गी पूरी चाल्ली बवस्था आहले ढंग्गै सिर तोढ़ चाढ़ेआ जाई सकै। 4 दिनें दे इस फिल्मोत्सव च 41 बकख-बकख मुल्खें दियां फिल्मां दस्सियां जाडन। फिल्मोत्सव गी दिलचस्प ते यादगार बनाने लेई केई गतिविधिएं गी बी एहदे च शामिल कीता गेदा ऐ जिंदे च रातीं'लै फिल्म स्क्रीनिंग दी बवस्था, फ्लोटिंग सिनेमा ते बड्डी धाम जनेए आयोजन बी शामिल न। आयोजन दी कामयाबी लेई सुरक्षा, ट्रैफिक प्रबंधन, बिजली-पानी, आयोजकें बश्कार तालमेल ते लोइचदी हर बरीकी पर ध्यान दिता जा'रदा ऐ। बाहरा औने आहले परोहनें लेई मैहकमे जम्मू-कश्मीर दे सैलसफा, दस्तकारिएं ते सांस्कृतिक विरासत गी बढ़ावा देने लेई बकख-बकख तरीकाकार पर कम्म करा'रदे न।

<><><><><><>

JK-Weather

मौसम विभाग नै जम्मू-कश्मीर च अगले 9 दिनें तगर आमतौरा पर गर्म ते उमस भरोचै मौसम कन्नै किश थाहरें पर हलकी बरखा बरने दी पेशनगोई कीती दी ऐ। आकाशवाणी दे जम्मू संवाददाता नै जानकारी दिती ऐ जे मैहकमे दा आखना ऐ जे अज्ज टांवी-टांवी थाहरें पर हल्की बरखा बरी सकदी ऐ ते फही 31 अगस्त ते पैहली सितम्बर गी किश थाहरें पर चानचक्क हाड़ औने ते ल्हास-पस्सियां पौने दी शेंका जाहिर कीती ऐ। करसानें गी मौसम सरबन्धी परामर्श गी

ध्यानै च रखदे होई गै बाइडी ते होर दुए राई-बाई सरबन्धी कम्मैं गी जारी रखने दी सलाह दिती
गेई ऐ।

<><><><><><>